

**Bosna i Hercegovina  
Federacija Bosne i Hercegovine  
Bosansko-podrinjski kanton Goražde  
SKUPŠTINA KANTONA**

---

Broj: 01-02-391-4/21  
Goražde, 15. novembra 2021. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 19-11-2021

Org. jed.	Broj	Priloga	Vrijednost
02-02-	1370/18		

**PREDMET:** Dostava Zaključka.-


Poštovani,

U prilogu akta dostavljamo Vam Zaključak koji se odnosi na davanje Mišljenja na Nacrt Zakona o organizacijama i reprezentativnim organizacijama osoba sa invaliditetom i civilnih žrtava rata, a koji je donijela Skupština Bosansko-podrinjskog kantona Goražde, na 21. redovnoj sjednici, održanoj 15. novembra 2021. godine.

S' poštovanjem!

**DOSTAVLJENO:**

- ① Domu naroda Parlamenta FBiH  
Hamdije Kreševljakovića 3, 71000 Sarajevo,
2. Vladi BPK-a Goražde,
3. Ministarstvu za socijalnu politiku, zdravstvo,  
raseljena lica i izbjeglice BPK-a Goražde,
4. a/a.



**Bosna i Hercegovina**  
**Federacija Bosne i Hercegovine**  
**Bosansko-podrinjski kanton Goražde**  
**SKUPŠTINA KANTONA**

---

Broj: 01-02-391-3/21  
Goražde, 15. novembra 2021. godine

Skupština Bosansko-podrinjskog kantona Goražde, na 21. redovnoj sjednici, održanoj 15. novembra 2021. godine, razmatrala je Davanje mišljenja na Nacrt Zakona o organizacijama i reprezentativnim organizacijama osoba sa invaliditetom i civilnih žrtava rata, pa na osnovu člana 109. i 111. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 3/18 i 6/19), **d o n o s i:**

**Z a k l j u č a k**

1. Skupština Bosansko-podrinjskog kantona Goražde prihvata Mišljenje Ministarstva za socijalnu politiku, zdravstvo, raseljena lica i izbjeglice u Vladi Bosansko-podrinjskog kantona Goražde, broj: 08-02-1794-1/21 od 23.09.2021. godine i isto se smatra mišljenjem Skupštine Bosansko-podrinjskog kantona Goražde na Nacrt Zakona o organizacijama i reprezentativnim organizacijama osoba sa invaliditetom i civilnih žrtava rata.
2. Zaključak stupa na snagu danom donošenja.

**DOSTAVLJENO:**

1. Domu naroda Parlamenta FBiH  
Hamdije Kreševljakovića 3, 71000 Sarajevo,
2. Vladi BPK-a Goražde,
3. Ministarstvu za socijalnu politiku, zdravstvo,  
raseljena lica i izbjeglice BPK-a Goražde,
4. a/a.



**PREDSJEDAVAJUĆA SKUPŠTINE**

Aida Sirbubalo

*Aida Sirbubalo*



Bosna i Hercegovina  
Federacija Bosne i Hercegovine  
BOSANSKO-PODRINJSKI KANTON GORAŽDE

*Supsk*

28-09-2021

01-02-391-2/2

Bosna i Hercegovina  
Federacija Bosne i Hercegovine  
Bosansko - podrinjski kanton Goražde  
MINISTARSTVO ZA SOCIJALNU POLITIKU,  
ZDRAVSTVO, RASELJENA LICA I IZBJEGLICE

Bosnia and Herzegovina  
Federation of Bosnia and Herzegovina  
Bosnian-podrinje canton Gorazde  
MINISTRY FOR SOCIAL AFFAIRS, HEALTH,  
DISPLACED PERSONS AND REFUGEES

Босна и Херцеговина  
Федерација Босне и Херцеговине  
Босанско - подриньски кантон Горажде  
МИНИСТАРСТВО ЗА СОЦИЈАЛНУ ПОЛИТИКУ,  
ЗДРАВСТВО, РАСЕЉЕНА ЛИЦА И ИЗБЈЕГЛИЦЕ

Broj: 08-02-1794-1/21  
Goražde, 23.09.2021. godine

**SKUPŠTINA BOSANSKO-PODRINJSKOG KANTONA  
GORAŽDE**  
n/r Sekretara Skupštine

**PREDMET:** Mišljenje na Nacrt *Zakona o organizacijama i reprezentativnim organizacijama osoba sa invaliditetom i civilnih žrtava rata*, dostavlja se,-

Poštovani,

U skladu sa vašim aktom broj: 01-02-391-1/21 od 24.05.2021. godine Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde razmatralo je dostavljeni tekst Nacrta *Zakona o organizacijama i reprezentativnim organizacijama osoba sa invaliditetom i civilnih žrtava rata*, te dostavlja sljedeće:

**M I Š L J E N J E**

Imajući vidu činjenicu da na području Federacije BiH do sada nije postojao poeban propis kojim se uređuje osnivanje i rad organizacija osoba sa invaliditetom kao i druga važna pitanja za organizacije koje okupljaju osobe sa invaliditetom, te da je Strategijom za izjednačavanje mogućnosti za osobe sa invaliditetom u Federaciji BiH 2016-2021 godina planirano donošenje jednog ovakvog zakona, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde podržava donošenje *Zakona o organizacijama i reprezentativnim organizacijama osoba sa invaliditetom i civilnih žrtava rata* u Federaciji BiH.

U cilju poboljšanja teksta predmetnog zakona, te ukazivanja na još uvijek nedovoljno definirane odredbe i predložena zakonska rješenja, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, u nastavku dostavlja prijedloge i sugestije za izmjenu i dopunu pojedinih članova prijedloga zakona.

## POGLAVLJE I. OSNOVNE ODREDBE (čl.1. do 2.)

### Član 2.

(Definicije)

Predlažemo da se u članu 2. stav 1. u alineji i) riječ: „*pet*“ zamijeni riječju: „*tri*“.

Obrazloženje:

Smatramo da je predloženi prag od najmanje pet kantona za reprezentativnost federalne OCŽR velik te bi ga trebalo smanjiti na najmanje tri kantona.

Predlažemo da se u istom članu u alineji j) iza riječi: „*općine*“, dodaju riječi: „*grada*“,

Obrazloženje:

S obzirom na činjenicu da na prostoru Federacije BiH imamo lokalnih zajednica koje imaju status grada, u predmetnom zakonu treba da bude zastupljena i ova organizacija lokalne samouprave.

## POGLAVLJE III. STICANJE STATUSA OOSI I OCŽR (čl.7. do 10.)

### Član 8.

(Uslovi za sticanje statusa OOSI i OCŽR)

Predlažemo da se u član 8. stav 1.) u alineji a) iza riječi: „*propisima*“, dodaje sljedeći tekst:  
„*a najmanje 12 mjeseci prije podnošenja zahtjeva za utvrđivanje reprezentativnosti,*“

Obrazloženje:

Smatramo da je neophodno izvršiti dopunu predmetne alineje sa uvođenjem vremenskog perioda od kada OOSI i OCŽR mogu steći reprezentativnost, kako bi se izbjegle situacije da tek osnovane organizacije bez prethodnog iskustva i rezultata u radu postanu reprezentativne.

Predlažemo da se u članu 8. stav 1) alineja d) izmjeni na način tako da glasi:

„*d) da raspolaže odgovarajućim tehničkim i materijalnim resursima, odgovarajućim kancelarijskim prostorijama za obavljanje registrovane djelatnosti, te odgovarajućim ljudskim resursima.*“

Obrazloženje:

Smatramo da je neophodno propisati minimum uslova odnosno minimalne standarde u pogledu prostora, opreme i kadra za sticanje statusa OOSI i OCŽR, iz razloga što je dosadašnja praksa pokazala da pojedine organizacije nisu imale adekvatne prostorije niti tehničke i materijalne resurse, već su svoje organizacije osnivali na adresama vlastitog prebivališta, što je neprihvatljivo.

**POGLAVLJE IV. STICANJE STATUSA REPREZENTATIVNOSTI (čl.11. do 15.)**

**Član 12.**

(Uslovi za sticanje statusa reprezentativnosti)

Predlažemo da se u član 12. stav 1.) alineja a) izmijeni na način tako da glasi:

**„da okuplja najveći broj redovnih članova na području općine, grada, kantona ili Federacije BiH, pri čemu kantonalna reprezentativna organizacija, mora okupljati većinu redovnih članova sa područja tog kantona, a federalna reprezentativna organizacija mora imati članice kantonalne organizacije, u najmanje tri kantona, od kojih je minimalno jedna reprezentativna.“**

Obrazloženje:

Uvažavajući postojeće stanje organizovanja organizacija OOSI i OCŽR mnoge organizacije nemaju pet članica budući da na cijelom prostoru Federacije BiH nemaju svoje članstvo, a isto se odnosi i na reprezentativnost kantonalnih organizacija jer nemaju članstvo na većini općina na području kantona.

Stoga smatramo da je potrebno izmijeniti predmetnu alineju na način kako je i predloženo.

**Član 13.**

(Javni poziv)

Predlažemo da se u član 13. u stav 1. riječ: „tri“ zamijeni riječju: „pet“.

Obrazloženje:

Smatramo da je predloženi rok za objavljivanje javnog poziva za utvrđivanje reprezentativnosti svake tri godine sa aspekta OOSI i OCŽR isuviše kratak te bi bilo svrsishodnije taj rok podići na pet godina. Time bi se OOSI i OCŽR ostavilo više vremena i prostora da se posvete i bave zadacima i aktivnostima zbog kojih su primarno i osnovani a ne da svoje i onako skromne resurse troše na administrativne i birokratske poslove, čime bi se izgubila svrha i smisao postojanja ovakvih organizacija.

S poštovanjem,

Akt pripremio:  
mr.sci. Muhamed Hadžić

Stručni savjetnik za socijalnu dječiju zaštitu  
i zaštitu civilnih žrtava rata

Dostavljeno:  
- Naslovu;  
- a/a

MINISTAR

Eniz Halilović

